

attingente, apice nigro; antennis articulo primo virescente, secundo margine basali pronoti circiter $\frac{2}{5}$ brevior (♂), $\frac{2}{5}$ apicalibus nigris, ultimis simul sumtis secundo paullo longioribus, nigris; pedibus dilute virescentibus, femoribus posticis annulis duobus tenuibus anteaicalibus piceis, tibiis anticis submuticis, posterioribus piceo-spinulosis, tarsis dimidio apicali articuli ultimi nigro-piceo; capite verticali, a latere viso altitudine circiter duplo brevior, clypeo parum prominente, vertice (♂) oculo circiter $\frac{1}{3}$ latiore, aequaliter marginato, margine recto. ♂. Long. $3\frac{3}{5}$, lat. $1\frac{3}{7}$ mm.

Mandeville.

7. *Lygus olivaceus* n. sp.

Parvus, ovalis, olivaceus, superne nitidus, dense tenuiter flavo-pubescens; oculis nigro-fuscis, scutello apice, clavo maris ante medium interne, macula communi anguli interioris corii et cunei apiceque cunei obscure piceis; membrana cum venis nigricanti-fumata, feminae saepe fascia pallidior signata; pectore concolore (♀) vel lateribus piceo (♂); rostro, antennis pedibusque colore corporis, rostro apicem coxarum posticarum attingente, ipso apice nigro; antennis articulo secundo margine basali pronoti vix brevior (♀) vel nonnihil longior (♂), apice anguste nigro, ultimis simul sumtis secundo aequae longis, nigro-fuscis, tertio basi anguste testaceo; femoribus feminae concoloribus, maris posticis apice piceis, tibiis testaceo-spinulosis, tarsis dimidio apicali articuli ultimi nigro; capite verticali, ab antico viso fortiter transverso, a latere viso altitudine magis quam duplo (♂) vel fere duplo (♀) brevior, clypeo parum prominente, vertice oculo aequae lato (♀) vel hoc distincte angustior (♂), margine recto medio quam lateribus tenuius carinato; pronoto hemielytrisque aequaliter crebre subtiliter punctatis, cuneo laevi. ♂ ♀. Long. $3\frac{2}{5}$, lat. $1\frac{1}{2}$ mm.

Mandeville.

8. *Lygus suspectus* n. sp.

Parvus, ovalis, olivaceus, superne nitidus, dense tenuiter flavicanti-pubescens; capite, fascia lata basali pronoti ante marginem, dimidio apicali scutelli, ipso apice excepto, fascia